



Temeljem članka 17. točka 1) i članka 44. stavak (1) Zakona o Visokom sudbenom i tužiteljskom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07, 15/08, 63/23 i 9/24), a u svezi sa člankom 61. i 62. Poslovnika Visokog sudbenog i tužiteljskog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23 i 9/24), Visoko sudbeno i tužiteljsko vijeće Bosne i Hercegovine (u daljem tekstu: Vijeće), u sastavu, sudac Halil Lagumdžija, predsjednik Vijeća, sudac Aleksandra Obradović i sudac Sanela Gorušanović - Butigan, potpredsjednice Vijeća, te članovi Vijeća tužilac Sanin Bogunić, tužitelj Biljana Simeunović, advokatica mr. Duška Bogojević, sudac Ljiljana Bošnjak - Glizijan, sudac mr. Srđan Forca, sudac Mustafa Šabić, advokatica Amila Kunosić i tužiteljica Snježana Petković, na sjednici održanoj 15. i 16.05.2024. godine, donijelo je

## R J E Š E N J E

### o imenovanju suca Okružnog suda u Trebinju

- I. Za suca Okružnog suda u Trebinju imenuje se **Kundačina Milena**.
- II. Datum stupanja na dužnost imenovane Vijeće će odrediti posebnom odlukom.

### O b r a z l o ž e n j e

Vijeće je dana 15.01.2024. godine, na internet stranici objavilo javni natječaj, broj: 04-07-3-188-1/2024, za jednu (1) upražnjenu poziciju suca Okružnog suda u Trebinju, i to 1 poziciju suca na kazneni referat. Potrebno je napomenuti da je Vijeće na sjednici održanoj 05. i 06.07.2023. godine donijelo odluku o **ponavljanju konkursa za jednu (1) poziciju suca Okružnog suda u Trebinju**, a imajući u vidu činjenicu da Vijeće prilikom imenovanja kandidata nije bilo u mogućnosti primijeniti odgovarajuće ustavne odredbe kojim se uređuju jednaka prava i zastupljenost konstitutivnih naroda i ostalih u smislu članka 43. stavak 2. Zakona o VSTV BiH navedenu poziciju oglašenu javnim natječajem broj: 04-07-3-3559-1/2023 od 02.11.2022. godine.

Nakon provedene natječajne procedure, nadležno podvijeće je sukladno članku 59b. st. (1), (2) i (4) Poslovnika VSTV-a BiH izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o Visokom sudbenom i tužiteljskom vijeću Bosne i Hercegovine (u daljem tekstu: Zakon o VSTV-u BiH) i Poslovníkom VSTV-a BiH, Vijeće je odlučilo da na poziciju suca Okružnog suda u Trebinju imenuje jedinog kandidata na rang listi pod rednim brojem 1 Kundačina Milenu, iz reda srpskog naroda, koja od 2014. godine obavlja funkciju suca u Osnovnom sudu u Trebinju. Uvidom u službene evidencije Vijeća utvrđeno je da imenovana u toku svoje karijere suca koju obnaša od 1999. godine radila na građanskom i kaznenom referatu, te izvršnom i vanparničnom, odnosno da posjeduje radno iskustvo na kaznenom referatu, a koje je traženo objavljenim natječajem.

Prethodno imenovanju na poziciju suca u Osnovnom sudu u Trebinju, imenovana je obavljala funkciju predsjednika suda u Osnovnom sudu u Foči u periodu o 2004. do 2014. godine, suca u Osnovnom sudu u Nevesinju u periodu od 1999. do 2004. godine, referenta za upravno- pravne poslove u Okružnom zatvoru u Subotici u periodu od 1998. do 1999. godine, pravnog zastupnika u AD 29. novembar Subotica u periodu od 1996. do 1998. godine, pravnik za opšte i kadrovske poslove u JP prevoz Nevesinje u periodu od 1992. do 1995. godine, te pripravnički staž u JP prevoz Nevesinje u periodu od 1991. do 1992. godine.

Vijeće je nakon ocjene stručne sposobnosti kandidata zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidata da odgovorno, neovisno i nepristrasno obavlja funkciju suca, uzimajući u obzir, između ostalog, dosadašnje radno iskustvo kandidata, profesionalnu nepristranost i ugled, ponašanje van posla, edukaciju i usavršavanje, objavljivanje stručnih i naučnih radova, te druge aktivnosti u struci i ocjene kriterija podobnosti, ocijenilo da imenovani kandidat u potpunosti ispunjava uvjete za imenovanje propisane u članku 43. Zakona o VSTV-u BiH.

Prilikom imenovanja navedenog kandidata, Vijeće je u skladu sa članom 59b. stav (5) tač. a), b), c) i d), a u vezi sa članom 61. Poslovnika VSTV-a BiH, kumulativno vodilo računa o broju ostvarenih bodova kandidata, okolnostima koje su relevantne za procjenu podobnosti kandidata iz člana 48a. ovog poslovnika, potrebi osiguranja adekvatne nacionalne i spolne zastupljenosti u sudu, odnosno tužilaštvu, u smislu člana 43. stav (2) Zakona i radnom iskustvu kandidata u određenoj oblasti prava.

Kada je u pitanju broj ostvarenih bodova, Vijeće je imalo u vidu da je imenovana kandidatkinja u toku konkursne procedure, u pogledu bodova za kriterij stručnosti i sposobnosti pravne analize ostvarila ukupno 96 bodova od mogućih 100 bodova, dok je na razgovoru pred nadležnom komisijom Vijeća u pogledu drugih kriterija ostvarila ukupno 16 bodova od mogućih 20 bodova, što ju je u konačnici rangiralo na prvom mjestu rang liste kandidata sa ukupno ostvarenih 112 bodova od mogućih 120 bodova.

Pored ukupnog broja ostvarenih bodova, gdje je kandidat u skladu sa članom 59a. stav (1) tačka b) ostvario potreban uspjeh od najmanje 105 bodova, kako bi bio predložen i imenovan na poziciju suca kantonalnog suda, Vijeće je, kao što je to prethodno navedeno, vodilo računa o okolnostima koje su relevantne za procjenu podobnosti kandidata iz člana 48a. ovog poslovnika, kao i o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Vijeće je prilikom imenovanja navedenog kandidata ocijenilo da ne postoje okolnosti koje izazivaju sumnju u pogledu podobnosti kandidata za poziciju za koju se prijavio.

Adekvatna nacionalna zastupljenost u konkretnom sudu utvrđena je na osnovu popisa stanovništva iz 1991. godine i zaključka Vijeća koji je javno objavljen na internet stranici Vijeća, donesenom na sjednici Vijeća održanoj 9.3.2017. godine koji glasi:

*„Vijeće je usvojilo zaključak da će se, za svrhu budućih imenovanja, prilikom utvrđivanja nacionalnog balansa u općinskim i osnovnim sudovima u FBiH i RS-u za osnov uzimati podaci prema popisu stanovništva iz 1991. godine za područje općina koje ulaze u mjesnu nadležnost pojedinog suda. Ako su općine koje ulaze u mjesnu nadležnost pojedinog suda promijenile svoje granice u odnosu na stanje iz 1991. godine, u obzir će se uzimati podaci o nacionalnoj strukturi na nivou kantona/okruga.“*

Nacionalna struktura 5 sudaca Okružnog suda u Trebinju, prema popisu stanovništva iz 1991. godine, bi trebala biti: Bošnjaci – 1,5, Hrvati – 0,0, Srbi – 3,2, Ostali – 0,2. Trenutna nacionalna struktura 4 suca je: Bošnjaci - 0, Hrvati – 0, Srbi - 3, Ostali - 1.

Prema prethodno navedenoj nacionalnoj strukturi u Okružnom sudu u Trebinju iz reda hrvatskog naroda je (0,0) i reda ostalih (0,8), dok nedostaje kandidata iz reda srpskog naroda (- 0,2), bošnjačkog naroda (- 1,5).

Prilikom odabira i imenovanja, Vijeće je uzelo u obzir i činjenicu da je konkurs za jednu poziciju suca Okružnog suda u Trebinju ponovljen iz prethodno navedenih razloga, te da se konkurs u tom slučaju, u skladu sa članom 62c. stav (2) Poslovnika Vijeća, može ponoviti samo jednom.

Shodno navedenom, a imajući u vidu potrebu osiguranja funkcionalnosti pravosudnih institucija, te efikasnosti pravosudnog sustava, Vijeće je u konkretnom slučaju primijenilo zaključak koji je usvojen na sjednici Vijeća održanoj 29. i 30.09.2021. godine i koji je javno objavljen na internet stranici Vijeća, prema kojem ukoliko u ponovljenoj konkursnoj proceduri ne bude kandidata odgovarajuće nacionalnosti, Vijeće će u pravilu, postupiti na način da u pravosudnim institucijama sa preko 15 nosilaca pravosudne funkcije prilikom imenovanja, može tolerisati odstupanje od utvrđenog nacionalnog balansa do +2 određene nacionalnosti, a u pravosudnim institucijama koja broje do 15 nosilaca pravosudne funkcije, može tolerisati odstupanja od utvrđenog nacionalnog balansa do +1 određene nacionalnosti, odnosno da će u svakom konkretnom slučaju cijeliti mogućnost odstupanja od nacionalnog balansa propisanog ustavnim odredbama kojima se utvrđuju jednaka prava i zastupljenost konstitutivnih naroda i ostalih.

U konkretnom slučaju imenovan je kandidat za jednu upražnjenu poziciju suca u Okružnom sudu u Trebinju, u kojem slučaju je tolerisano odstupanje od utvrđenog nacionalnog balansa do +1 određene nacionalnosti za kandidate iz reda srpskog naroda.

Pored svega navedenog, Vijeće je prilikom imenovanja vodilo računa i o radnom iskustvu kandidata u određenoj oblasti prava, te je cijelilo da imenovani kandidat posjeduje traženo iskustvo na kaznenom referatu.

Uzimajući u obzir navedeno, Vijeće je vodeći računa o svim okolnostima iz člana 59b. stav (5) tač. a), b), c) i d), a u vezi sa članom 61. Poslovnika VSTV-a BiH, ocijenilo da je imenovani kandidat u potpunosti ispunio zakonom propisane uslove, kao i druge kriterije koji se cijelene prilikom izbora kandidata, kako bi bio imenovan za suca Okružnog suda u Trebinju.

Shodno odredbama člana 62a. stav (2) Poslovnika VSTV-a BiH, u skladu sa Zakonom, odlučivanje o stupanju imenovanog na dužnost odgađa se do okončanja dodatne provjere iz člana 86c. Zakona, ukoliko se ista provodi, odnosno do okončanja upravnog spora ukoliko je pokrenut protiv rješenja o imenovanju.

Ovo rješenje će biti objavljeno na internet stranici Vijeća, shodno članu 44. stav (1) Zakona i članu 62. stav (4) Poslovnika VSTV-a BiH, uz naznaku datuma objave od kojeg počinje teći rok za podnošenje tužbe.

Imajući u vidu sve iznesene razloge, Vijeće je odlučilo kao u izreci ovog rješenja.

**Pouka o pravnom lijeku:** Protiv ovog rješenja može se pokrenuti upravni spor pred Sudom Bosne i Hercegovine u roku od osam dana od dana objavljivanja rješenja o imenovanju na internet stranici Vijeća.

Broj: 04-07-3-2179-1/2024  
Datum: 16.05.2024. godine



